

四庫全書

史部

欽定四庫全書

史部  
欽定歷代職官表卷三十五

御史<sub>臣</sub>李陽祚覆勘

纂修<sub>臣</sub>校勘內閣中書<sub>臣</sub>顧宗泰

謄錄拔貢生<sub>臣</sub>胡光斗





五 官 司 書 天 文 科 五 官 靈 臺 郎

周  
司歷

治歷  
治歷所

典歷

典歷

典歷

典歷

大史司  
五官司  
歷

印歷所  
司歷  
歷官

司大管  
掌歷  
五官司  
印歷官  
歷

周  
保章氏

保章氏  
保章氏

保章氏

保章氏  
保章氏

保章氏  
保章氏

保章氏

保章氏  
保章氏

保章氏  
保章氏

保章氏  
保章氏

保章氏  
保章氏

保章氏

保章氏  
保章氏

保章氏  
保章氏

保章氏

保章氏  
保章氏

保章氏  
保章氏

欽定歷代職官表

二



五 官 司 晨 博 士

欽定四庫全書

欽定歷代職官表

三

天史博士  
天卜博士

天文博士  
天官博士  
天官博士  
天官博士

天官博士

天官博士

司馬  
五官司

司馬

司馬  
五官司





欽天監

國朝官制

欽天監監正滿洲一人西洋一人

初制滿洲四品康熙六年改為三品九年

定俱為正五品

監副滿洲漢人各一人左右監副各西洋一人

初制滿洲五品康熙六年改為四品九年定俱為正六品

掌測候推步之法觀察星辰稽定節序占天象以

授人時所屬有時憲天文漏刻三科初順治元年

設欽天監監正等官皆以漢人除授康熙四年定

置滿洲漢人監正各一員滿洲漢人左右監副各  
二員八年以西洋人充漢監正員額尋又增置西  
洋監副一員雍正三年以西洋人實授監正乾隆  
十八年省監副滿洲漢人員額各一增置西洋左  
右監副為二員其總理監務王大臣自乾隆十年  
以來始置皆由

特簡無定員

時憲科五官正滿洲二人蒙古二人春夏中秋冬五官

正漢人各一人秋官正漢軍一人

俱從六品

五官司書漢人

一人

正九品

博士滿洲一人漢軍二人蒙古二人漢人十

有六人

從九品

掌推天行之度驗歲差以均節氣凡時憲書之以

國書蒙古文譯布者滿洲蒙古五官正司之推算日

月交食七政相距衝退留伏交宮同度等事漢人

五官正司之推驗日月五星相距等事漢軍秋官

正司之校刊時憲書以頒四方五官司書司之博

士歲以漢人二人直譙樓視更鼓之節餘各從其  
長以分典厥事五官正滿洲蒙古漢人員額俱康  
熙四年定又初沿明制設有回回科順治初裁革  
以其職改隸漢軍秋官正五官司書初置二人康  
熙十四年省一人博士初置滿洲蒙古共六人不  
分員額除授又漢軍三人漢人三十六人康熙四  
年省漢人博士十有四人五年後增設漢人博士  
二人乾隆四十七年定置滿洲博士四人蒙古博

士二人皆分隸三科焉

天文科五官靈臺郎滿洲二人蒙古一人漢軍一人漢

人四人

從七品

五官監候漢人一人

正九品

博士滿洲三人

漢人二人

掌眡天象之垂書雲物以協歲占每日以滿洲漢人官各一人率天文生十有五人登觀象臺考儀器以窺乾象每時以四人分觀四方晝夜輪直凡八節風占及雲氣流星諸象當奏者送監密題以

聞五官靈臺郎初置滿洲蒙古共三人不分員額除授  
乾隆四十七年定置滿洲二人蒙古一人漢軍漢  
人靈臺郎及五官監候各員額俱康熙四年定又  
原設漢人五官保章正二人康熙十四年省

漏刻科五官挈壺正滿洲蒙古各一人漢人二人

從八品

五官司晨漢軍一人

從九品

博士漢人六人

掌調壺漏測中星審緯度相陰陽以諏時日而卜  
營建馬五官挈壺正初置滿洲蒙古共二人不分

員額除授乾隆四十七年定置滿洲一人蒙古一人漢人挈壺正員額康熙四年定五官司晨初置漢軍漢人各一人康熙十四年省漢人員額

主簿廳主簿滿洲漢人各一人

正八品

掌章奏文移簿籍員額康熙四年定

食俸天文生滿洲蒙古十有六人漢軍八人漢人二十  
四人食糧天文生漢人五十六人食糧陰陽生漢人十人  
滿洲蒙古漢軍天文生俱以算學生選充視筆

帖式食俸漢人天文生陰陽生以筭學生暨肄業  
生選充食俸者視從九品食糧者亦以九品頂帶  
給之均與世業子弟分班補用天文生分隸三科  
各司推算觀候之事陰陽生隸漏刻科主譙樓直更  
監官以時考其術業而進退之

筆帖式滿洲十有一人蒙古四人漢軍二人

筆帖式員額俱康熙四年定

職事見  
吏部篇

歷代建置



三代

春秋左氏傳郊子曰我高祖少皞摯之立也鳳鳥適至故紀於鳥為鳥師而鳥名鳳鳥氏歷正也元

鳥氏司分者也伯趙氏司至者也青鳥氏司啓者

也丹鳥氏司閉者也

杜預注鳳鳥知天時故以名官元鳥燕也伯趙伯勞也青

鳥鷦鷯也丹鳥鷺雉也上四鳥皆歷正之屬官

國語楚語少昊氏之衰九黎亂德人神雜擾顓頊

受之乃命南正重司天以屬神火正黎司地以屬

民使復舊章無相侵瀆其後堯復育重黎之後不忘舊者使復興之以至于夏商

尚書堯典乃命羲和欽若昊天歷象日月星辰敬授人時孔安國傳重黎之後羲氏和氏世掌天地四時之官孔穎達疏少昊五鳩氏即周世卿官別有鳳鳥氏為歷正班在五鳩之上是上代以來皆重歷數故知堯於卿官之外別命羲和掌天地於時羲和似尊於諸卿後世以來稍益卑賤周禮太

史即古義和之任也

謹案史記封禪書稱黃帝迎日推策而左傳所紀少昊時有司分至啟閉之官嗣後顓頊命重黎帝堯命羲和說者謂羲即重之後和即黎之後世掌天地蓋古聖人奉若天道大戴禮記所謂慎守日月之數以察星辰之行序四時之順逆者其事甚鉅故特重其官皆以上卿掌之良以撫辰凝績人道正而萬事成實王政之最大

者自後世算家但工術數司馬遷至謂文史星  
歷近乎卜祝之間而其職乃視上古較輕矣今  
採掇唐虞以前經傳所徵信者錄冠三代之首  
以明敬天授時其所從來者遠也

尚書庠征羲和廢厥職酒荒于厥邑孔安國傳羲  
氏和氏自唐虞至三代世職不絕

呂氏春秋夏太史令終古出其圖法如商

禮記曲禮天子建天官先六太曰太史鄭康成注

此蓋殷時制也

淮南子汜論訓殷太史令向藝先歸文王

周禮春官太史下大夫二人上士四人府四人史  
八人胥四人徒四十人掌建邦之六典正歲年以  
序事頒之于官府及都鄙頒告朔于邦國太史抱  
天時與大師同車

鄭康成注太史曰官也

馮相氏中士二人

下士四人府二人史四人徒八人掌十有二歲十  
有二月十有二辰十日二十有八星之位辨其叙

事以會天位冬夏致日春秋致月以辨四時之叙

鄭康成注馮乘也相視也世登高臺以視天文之次序

保章氏中士二人下

士四人府二人史四人徒八人掌天星以志星辰

日月之變動以觀天下之遷辨其吉凶以星土辨

九州之地所封封域皆有分星以觀妖祥以十有

二歲之相觀天下之妖祥以五雲之物辨吉凶水

旱降豐荒之祲象以十有二風察天地之和命乖

別之妖祥凡此五物者以詔救政訪序事

鄭康成注保章

也世守天文之度

周禮夏官挈壺氏下士六人掌挈壺

鄭康成注縣壺以為漏

禮記月令乃命太史守典奉法司天日月星辰之

行宿離不貸

鄭康成注太史禮官之屬離讀如儼偶之儼宿儼謂其屬馮相氏保章氏

掌天文者相與宿偶當審候伺不得過差也

謹案周太史為史官及日官之長故後世典秘書及天文者皆以為出於太史之職然記言記動有內史外史以分任之而太史明於天道所

掌在建典辨灋竝不司典籍策書實與今翰林  
不同惟其正歲年頒告朔正如今之造時憲書  
以頒行四方故與欽天監職掌較為相合漢魏  
以來置太史曹監局以掌天時星算其源流蓋  
出於此至魯語稱太史司載糾虔天刑韋昭注  
云載天文也司天文謂馮相保章氏蓋此二官  
皆太史之屬分治術數太史不過總攬綱維而  
已孔穎達月令正義謂馮相氏主日月五星年



氣節候推步遲疾審知所在之處若今之司歷主其算術保章守天之文章謂度數失常次妖孽吉凶所在若今天文家惟主變異其言最為明晰以今制相準馮相氏當如今之時憲科而保章氏則如今之天文科也

周禮春官大卜下大夫二人掌三兆之灋三易之灋三夢之灋以邦事作龜之八命卜師上士四人卜人中士八人下士十有六人掌開龜之四兆占

人下士八人掌占龜以八簪占八頌簪人中士二人掌三易以辨九筮之名

謹案周以前重卜筮國有大事所以決疑求正故特設官以掌之而以太卜為之長秦漢以降亦有太卜令隸屬太常但後世龜策既廢改用占式官民通用由來已久周禮太史抱天時與太師同車鄭司農云抱式以知天時是即三式之法所自始

太乙六士迺甲謂之三式

雖為術各別而審陰

陽生剋以定吉凶則初無二義今凡一切禮儀  
營建之事皆由欽天監漏刻科選擇日時審度  
嚮背蓋亦猶周太卜之職也

春秋左氏傳天子有日官諸侯有日御日官居卿  
以底日禮也日御不失日以授百官於朝服虔注

日官日御典歷數者也居卿者使卿居其官以主  
之重歷數也

李華云天子日官則史佚史扁是也諸侯日御則裨竈子常是也

春秋左氏傳十一月乙亥朔日有食之辰在申司

歷過也再失閏矣

孔穎達疏魯之  
司歷漸失其閏

謹案日官日御皆司天之職故鄭康成以為即

周禮之太史後漢書張衡傳衡復為太史令曰

曩滯日官今又原之其義與鄭氏相同史記有

日者列傳當亦因日官主日故善卜者因以為

名也至古之典天文算數者皆世業相傳重黎

羲和歷代備職周官馮相保章賈公彥亦謂世

守其法故名官曰氏史記則謂之疇人蓋即管

子所謂人與人相疇家與家相疇乃習為常業之意周末喪亂其子弟雖分散四方而史記封禪書載有周太史儋見秦獻公論周秦離合之事則其職亦未為盡失矣

秦

杜佑通典秦為太史令

胡毋敬之為太史令作博學七篇

漢

漢書百官公卿表太常屬官有太史令丞

漢書司馬遷傳父談為太史公注如淳曰漢儀注太史公武帝置位在丞相上天下計書先上太史公副上丞相遷死後宣帝以其官為令行太史公文書而已師古曰談為太史令遷尊其父故謂之公如說非也晉灼曰百官表無太史公在丞相上又衛宏所說多不實未可以為正

史記太史公自序談卒三歲而遷為太史令司馬貞索隱博物志太史令茂陵顯武里大夫司馬年

二十八年六月乙卯除六百石也

王應麟王海茂陵中書談以太史丞為太史令

漢書律歷志武帝詔典星射姓

師古曰姓射名姓也

等造漢

歷姓奏不能為算乃選治歷鄧平及長樂司馬可

酒泉侯宜君等凡二十餘人都分天部遂用鄧平

歷以平為太史丞後太史令張壽王上言宜更歷

詔下主歷使者鮮于妄人詰問壽王不服妄人請

與治歷大司農中丞麻光等雜候鉤校奏可

劉知幾史通自古太史之職雖有述著為宗而兼  
掌歷象日月陰陽氣數司馬遷既沒後之續史記  
者褚先生劉向馮商揚雄之徒並以別職來知史  
務於是太史之署非復記言之司故張衡單鵬王  
立高堂隆等其當官見稱惟知占候而已

謹案漢書百官表不載太史令祿數而博物志  
稱司馬遷為令六百石漢書律歷志載丞相御  
史勅太史令張壽王吏八百石古之大夫是昭



宣以後已漸增其秩然皆未及千石亦足見漢儀注所言位在丞相上者為不可信矣至典星治歷乃漢官儀所謂待詔皆屬於太史令漢書天文志元光中天星搖問候星者西域傳武帝詔太史治星望氣皆以為吉蓋即其職而主歷使者治歷大司農中丞等官則以他官兼領此事正如今總理監務之大臣也

後漢書百官志太史令一人六百石掌天時星歷

凡歲將終奏新年歷凡國祭祀喪娶之事掌奏良  
日及時節禁忌凡國有瑞應災異掌記之丞一人  
明堂及靈臺丞一人二百石二丞掌守明堂靈臺  
靈臺掌候日月星氣皆屬太史

劉昭後漢書志注漢官儀曰太史待詔三十七人  
其六人治歷三人龜卜三人廬宅四人日時三人  
易筮二人典襍籍氏許氏典昌氏各三人嘉法請  
雨解事各二人醫一人靈臺待詔四十二人其十

四人候星二人候日三人候風十二人候氣三人  
候晷景七人候鍾律一人舍人

玉海漢太史有望郎三十人掌故二十人

後漢書律歷志元和元年初詔候鍾律殷彤元和  
二年治歷編訢李梵永平九年太史待詔董萌張  
隆永元中典星待詔姚崇并畢等熹平中治歷郎  
梁國宗整太史治歷郎中郭香劉固舍人馮恂等  
通典秦漢以來太史之任蓋併周之太史馮相保

章三職

謹案後漢太史丞始分太史靈臺為二職今時  
憲天文各為一科蓋本于此至待詔職員甚多  
如典星治歷候鍾律望氣舍人之類皆見于前  
後漢書其或稱治厯郎及治厯郎中乃是為郎  
而待詔者耳並非別有是官後漢書注引袁山  
松書劉洪以校尉應太史徵拜郎中所云太史  
徵者即謂徵至太史為待詔蓋當時司天之職

多由辟舉故待詔之善於其術者亦得轉為令丞如鄧平以治歷待詔為太史丞是也

漢書百官公卿表太常有太卜令丞武帝太初元年初置

唐六典漢武置太卜博士

後漢書百官志太常有太卜令六百石後省并太史

史記龜策列傳高祖時因秦太卜雖父子疇官世

世相傳其精微深妙多所遺失至今上

謂武帝也

即位

博開藝能之路數年之間太卜大集

史記曰者列傳褚先生曰臣為郎時與太卜待詔為郎者同舍言曰孝武時聚會占家有五行堪輿建除叢辰歷天人太乙家制曰以五行為主

謹案秦漢因周制別置太卜官至後漢而省并太史故後漢志載太史職守有祭祀喪娶之事掌奏良日一節而漢官儀所記太史待詔亦有

龜卜廬宅時日諸科蓋即太卜所司併入太史者今欽天監兼主選擇是其例也

### 三國

三國蜀志後主傳景耀元年史官言景星見

謹案陳壽作後主傳評稱國不置史注記無官而傳中又有史官言景星見事蓋當時所闕者載筆之職而太史令之主天文者則依舊備官晉書律歷志稱劉氏在蜀仍漢四分歷亦可知

日官推步之法固未嘗廢矣

晉書律歷志魏文帝黃初中太史令高堂隆太史丞韓翊

晉書天文志明帝太和初太史令許芝

裴松之三國志注太史上漢歷不及天時更為太和歷詔高堂隆與尚書郎楊偉太史待詔駱祿叅共推校

唐六典魏太史令吏員有望候郎二十人候部郎



十五人掌候天文有靈臺丞主候望頒歷

三國魏志周宣傳宣占夢十中八九文帝以為中郎屬太史

謹案魏太史有令丞及待詔大抵皆與漢制相同其周宣以中郎屬太史亦即待詔之職也

三國吳志吳範傳權以範為騎都尉領太史令

三國吳志韋曜傳孫亮即位曜為太史令

三國吳志劉惔傳太史丞公孫滕

隋書天文志三國時吳太史令陳卓始列甘氏石氏巫咸三家星官著於圖錄

謹案吳因漢制有太史令丞而吳範以騎都尉領太史令則當如今之兼管監事又裴松之三國志注載孫權呼知星者問分野星氣孫皓時望氣者云荊州有王氣是吳靈臺所屬尚當有候星候氣諸待詔蓋猶沿漢之舊也

晉

晉書百官志太常統太史令太史又別置靈臺丞  
唐六典晉太史令品第七秩六百石銅印墨綬進  
賢一梁冠絳朝服丞一人秩二百石太史吏員有  
典厯四人望候郎二十人候部吏十五人江左高  
瑩以侍中陳卓以義熙守吳道欣以殿中侍御史  
兼領太史

謹案自漢末以天文為祕學專門授受具有源  
流故雖十六國瓜分雲擾之時而為日官者尚

多能工其術史傳所載如漢有太史令宣于修之康相弁廣明臺產趙有太史令趙攬前秦有太史令康權前燕有太史令黃泓南燕有太史令成公綏北燕有太史令閔盛前涼有太史令賈曜郭鑒後涼有太史令劉梁張衍皆以占候著名亦其一時風尚所在也

宋齊梁陳

宋書百官志太史令一人丞一人掌三辰時日祥

瑞妖災歲終則奏新歷

南齊書百官志太史令一人丞一人

隋書百官志梁太常統太史令丞太史別有靈臺丞

通典太史宋齊並屬太常梁陳亦同

唐六典梁陳太史丞三品勲位宋齊梁陳皆有靈臺丞典歷史闕其員品

宋書律歷志元嘉二十年何承天奏漏刻改用二

十五箭請臺勒漏郎將考驗施用

謹案漏郎將沈約百官志無此官蓋郎將之司漏刻者如今挈壺正之職也

北魏

魏書術藝傳魏太祖太宗時太史令王亮蘇坦高祖時太史令趙樊生並知天文後太史趙勝趙翼趙洪慶胡世榮胡法通等二族世掌天官

冊府元龜後魏太史丞史失其品

魏書官氏志太史博士太卜博士大常日者從第七品下太史助教第九品中

魏書禮志太祖天賜三年占授著作郎王宜弟造兵法

唐六典後魏有典歷史闕其員品

謹案魏書官氏志不言太史所隸而冊府元龜則繫之秘書監下今考魏秘書有鍾律占授諸郎皆與太史職事相連故律歷志載上谷張明

豫以鍾律郎擢為太史令疑當時太史已屬秘書省冊府元龜或當有所據也

北齊

隋書百官志後齊太常統太史署令丞掌天文地動風雲氣色律歷卜筮等事太史兼領靈臺太卜二局丞靈臺掌天文觀候太卜掌諸卜筮

唐六典北齊有典歷史闕其員品

謹案隋志稱後齊武平中有廣平人劉孝孫張



孟賓二人同知歷事並無官號蓋猶漢之以知  
星人待詔太史者也

後周

通典後周官品正五命春官太史中大夫正四命  
春官太卜下大夫正三命春官馮相保章小卜等  
上士正二命春官馮相保章等中士

唐六典後周春官府置太史中大夫一人掌歷家  
之法

謹案隋書庠李才傳李才在周武帝時以車騎  
大將軍儀同三司遷為太史其職甚重蓋當時  
六官並建故太史為中大夫次於六卿非前代  
之隸屬太常者比也至隋書律歷志有周太史  
上士馬顯保章上士任悅在隋初議歷事而通  
典載周官品獨不及太史上士之職殊為闕略  
又隋書來和傳稱和在周為少卜上士而通典  
作小卜亦微有不同

隋

隋書百官志高祖置祕書省領太史曹置令丞各  
二人司歷二人監候二人其歷天文漏刻視祿各  
有博士及生員太史令從七品太史丞正九品太  
史監候太史司歷從九品左右武侯府置司辰師  
四人漏刻生一百一十人司辰師正九品煬帝三  
年改太史局為監進令階為正五品又減丞為一  
人置司辰師八人增置監候十人其後又改監少

監為令少令

唐六典隋改典厯為司歷取左傳司厯為名天文  
博士掌教習天文氣色天生觀生掌晝夜在靈臺  
伺候天文氣色漏刻博士掌教漏刻生漏刻生掌  
習漏刻之節以時唱漏

謹案隋以太史屬秘書蓋本周禮史官日官同  
職之意其司辰監候諸職亦皆昉於隋而至今  
沿之至隋書所載如庾季才以通直散騎常侍

領太史令張胄元以員外散騎侍郎領太史令  
蓋皆如今之加銜留任而胄元初以雲騎尉直  
太史叅議律歷事則如漢之待詔唐初以李淳  
風直太史尚循其例又律歷志有歷助教傅雋  
成珍等而百官志無此職殆暫置即罷故史文  
從略歟

唐

舊唐書百官志司天臺舊太史局隸祕書監龍朔

二年改為秘閣局久視元年改為渾儀監景雲元年改為太史監復為太史局隸秘書乾元元年三月十九日敕改太史監為司天臺改置官屬舊置於子城內秘書省西今在永寧坊東南角也

通典大唐初改監為局置令龍朔二年改太史局為秘書閣改令為郎中丞為秘書閣郎咸亨初復舊久視元年改為渾天監不隸麟臺改令為監置一人其年又改為渾儀監長安二年復為太史局

又隸麟臺其監復為太史局令置二人景龍二年  
復改局為監而令名不易不隸秘書開元二年復  
改令為監改一員為少監十四年復為太史局置  
令二人復隸秘書後又改局為監乾元元年又改  
其局為司天臺掌天文歷數風雲氣色有異則密  
封以奏

舊唐書肅宗本紀乾元元年三月太史監為司天  
臺取永寧坊張守珪宅置仍補官員六十人

新唐書百官志司天臺監一人正三品少監二人  
正四品上丞一人正六品上主簿二人正七品上  
主事一人正八品下監掌察天文稽歷數凡日月  
星辰風雲氣色之異率其屬而占有通元院以藝  
學召至京師者居之凡天文圖書器物非其任不  
得與焉每季錄祥眚送門下中書省紀于起居注  
歲終上送史館歲頒歷于天下○春官夏官秋官  
冬官中官正各一人正五品上副正各一人正六



品上掌司四時各司其方之變異冠加一星珠以應五緯衣從其方色元日冬至朔望朝會及大禮各奏方事而服以朝見○五官保章正二人從七品上五官監候三人正八品下五官司歷二人從八品上掌歷法及測景分至表準○五官靈臺郎各一人正七品下掌候天文之變五官挈壺正二人正八品上五官司辰八人正九品上漏刻博士六人從九品下掌知漏刻凡孔壺為漏浮箭為刻

以考中星昏明更以擊鼓為節點以擊鐘為節

唐六典隋置司辰師唐朝因之貞觀元年除師字  
長安四年始置挈壺正省歷博士置保章正以當  
之省天文博士置靈臺郎以當之

舊唐書職官志太卜署令一人從八品下丞一人

正九品 卜正二人 從九品下 卜博士二人 從九品下 掌卜筮之

法辨其象數通其消息以定吉凶

謹案唐司天官屬唐六典及舊唐書職官志新

唐書百官志員名多寡互有不同蓋六典所載  
乃開元中舊制故尚稱太史局未有司天臺之  
名舊志所載則乾元新改之制故其官額尚多  
至六十人惟新志所載自監以下諸官共三十  
七人乃後來增損定式宜據以為準今故著之  
於篇而六典舊志則僅節取其沿革大略而已  
至太史局本屬秘書省自改司天臺以後已別  
為一署無所隸屬與唐初之制殊矣

五季

五代史馬重績傳晉有天下拜重績太子右贊善  
大夫遷司天監天福三年重績創新法以唐天寶  
十四載乙未為上元雨水正月中氣為氣首詔下  
司天監趙仁琦張文皓等考覆得失乃下詔班行  
之

五代史趙延義傳延義事周為太府卿判司天監  
謹案五季制度率陋惟司天監所掌算數猶未

失其官故馬重績等皆以術顯觀重績上新法而趙仁琦等為之考覆其職皆司天監則當時所設殆不止一員特史文不備無由知其詳耳又晉高祖本紀載天福三年九月己未歸司天鷄叫學生殷暉於契丹其名亦未經見考唐六典挈壺正下有漏刻典事十六人漏刻生三百六十人典鍾二百八十人典鼓一百六十人則鷄叫學生當即漏刻生之掌報昏曉者也

宋

宋史職官志太史局掌測驗天文考定歷法凡日月星辰風雲氣候祥青之事日具所占以聞歲頒歷于天下則預造進呈祭祀冠昏及大典禮則選所用日其官有令有正有春官夏官中官秋官冬官正有丞有直長有靈臺郎有保章正其判局及同判則選五官正以上業優考深者充保章五年直長至今十年一遷惟靈臺郎試中乃遷而挈壺

正無遷法其別局有天文院測驗渾儀刻漏所掌  
渾儀臺晝夜測驗辰象○鐘鼓院掌文德殿鐘鼓  
樓刻漏進牌之事○印厯所掌雕印歷書南渡後  
並同隸秘書省長貳丞郎輪李點檢

章俊卿山堂考索宋初置司天監以他官兼判又  
有同判之名以朝官充元豐官制行置太史令總  
一局之事而正與丞為之貳

宋史律歷志熙寧間司馬光沈括皆嘗提舉司天

監

李心傳建炎以來朝野雜記提舉太史局者舊率以近臣兼之熙豐間司馬公王和甫繼居是任後不復置紹興五年十月復置以命薛象先明年何自然以非舊典為言遂罷去太史局日官舊止於五官正孝宗時始增春夏秋冬中五官大夫

沈括夢溪筆談國朝置天文院於禁中設漏刻觀天臺銅渾儀皆如司天監與司天監互相檢察每



夜天文院具有無諱見雲物機祥及當夜星次須令於皇城門未發前到禁中門發後司天占狀方到以兩司奏狀對勘以防虛偽近歲皆是陰相計會符同寫奏習以為常其來已久中外具知之不以為怪其日月五星行次皆只據小歷所算躔度騰奏不曾占候有司但脩員安祿而已熙寧中予領太史嘗按發其欺免官者六人未幾其弊復如故

謹案宋志載英宗時有司天監生石道陳邁南  
渡後有太史局生阮興祖蓋即如今之天文生  
也

遼

遼史百官志司天監有太史令有司歷靈臺郎挈  
壺正五官正丞主簿保章正監候司辰刻漏博士  
典鐘典鼓

謹案遼史百官志所載南面朝官大都皆以唐

制準之非必盡有實證惟司天一監穆宗紀應  
歷十一年有司天王白李正等進歷事景宗紀  
保寧九年有司天奏日當食不虧事其職掌皆  
可考見可知靈臺官守猶未失也

金

金史百官志司天臺提點正五品監從五品掌天  
文歷數風雲氣色察以奏聞少監從六品判官從  
八品教授舊設二員正大初省一員

係籍學生七  
十六人漢人

五十人女直二十  
六人試補長行

司天管勾從九品

不限資考員數隨科十人

設一員以藝業尤精者充

長行人五十人

未授職事者試補管勾

天文科

女直漢人各六人算歷科八人三式科四人測驗

科八人漏刻科二十五人

銅儀法物舊在法物庫貞元二年始付本臺

右屬秘書監

元

元史百官志太史院秩正三品掌天文歷數之事

至元十五年始立院置太史令等官一員至大元

年陞從二品設官十員延祐三年陞正二品設官  
十五員後定置院使五員正二品同知二員正三  
品僉院二員從三品同僉二員正四品院判二員  
正五品經歷一員從五品都事一員從七品管勾  
一員從九品令史三人譯史一人知印二人通事  
一人宣使二人典史二人春官正兼夏官正一員  
正五品秋官正兼冬官正中官正一員正五品保  
章正五員正七品保章副五員正八品掌歷二員

正八品腹裏印歷管勾一員從九品各省司歷十  
二員正九品印歷管勾二員從九品靈臺郎一員  
正七品監候六員從八品副監候六員正九品星  
歷生四十四員挈壺正一員從八品司辰郎二員  
正九品燈漏直長一人教授一員從八品學正一  
員從九品校事郎二員正八品○司天監秩正四  
品掌凡歷象之事提點一員正四品司天監三員  
正四品少監五員正五品丞四員正六品知事一

員令史二人譯史一人通事兼知印一人屬官提  
學二員教授二員並從九品學正二員天文科管  
勾二員算歷科管勾二員三式科管勾二員測驗  
科管勾二員漏刻科管勾二員並從九品陰陽管  
勾一員押宿官二員司辰官八員天文生七十五  
人中統元年因金人舊制立司天臺設官屬至元  
八年以上都承應闕官增置行司天監十五年別  
置太史院與臺並立頒歷之政歸院學校之設隸

臺二十三年置行監二十七年又立行少監皇慶  
元年陞正四品延祐元年特陞正三品七年仍正  
四品○回回司天監秩正四品掌觀象衍歷提點  
一員司天監三員少監二員監丞二員品秩同上  
知事一員令史二員通事兼知印一人奏差一人  
屬官教授一員天文科管勾一員算歷科管勾一  
員三式科管勾一員測驗科管勾一員漏刻科管  
勾一員陰陽生一十八人世祖在潛邸時有旨徵



回回為星學者扎瑪里昂

原作扎馬刺丁  
今依字面改正

等以其

藝進未有官署至元八年始置司天臺秩從五品  
十七年置行監皇慶元年改為監秩正四品延祐  
元年陞正三品置司天監二年命秘書卿提調監  
事四年復正四品

元史郭守敬傳守敬拜昭文館大學士知太史院  
事大德七年詔內外官年及七十並聽致仕獨守  
敬不許其請自是翰林太史司天官不致仕定著

為令

謹案元代太史院與司天監並立然推步測算之事皆歸太史院司天監特脩官而已至回回星學始見於唐之九執歷元則有扎瑪里鼎作萬年歷遂特設回回司天監以傳衍其術明亦別置回回科與大統參用迨

本朝順治二年以西洋監正湯若望奏請裁撤回科今漢軍秋官正專司日月五星相距等事

蓋猶其舊職也

明

明史職官志欽天監監正一人正五品監副二人正六品

品其屬主簿廳主簿一人正八品春夏秋冬官正

各一人正六品五官靈臺郎八人從七品後五官保

章正二人正八品後五官挈壺正二人從八品後

五官監候三人正九品後五官司厯二人正九品五

官司晨八人從九品後漏刻博士六人從九品後

監正副掌察天文定歷數占候推步之事凡日月星辰風雲氣色率其屬而測候焉有變異密疏以聞凡習業分四科曰天文曰漏刻曰回回曰歷自五官正下至天文生陰陽生各分科肄業每歲冬至日呈奏明歲大統歷

成化十五年改頒明歲歷於十月朔日

送禮

部頒行其御覽月令歷七政躔度歷六壬遁甲歷四季天象錄並先期進呈凡歷注御歷注三十事

如祭祀頒詔行幸等類

民歷三十二事壬遁歷七十二事凡

祭日前一年會選以進移知太常凡營建征討冠  
婚山陵之事則選地而擇日立春則預候氣於東  
郊大朝賀於文樓設定時鼓漏刻報時司晨鷄唱  
各供其事日月交食先時算其分秒時刻起復方  
位以聞下禮部移內外諸司救之仍按占書條奏  
若食不及一分與回回歷雖  
食一分以上則奏而不救 監官毋得改他官子  
孫毋得徙他業乏人則移禮部訪取而試用焉五  
官正推歷法定四時司歷監候佐之靈臺郎辨日

月星辰之躔次分野以占候天文之變觀象臺四面面四天文生輪司測候保章正專志天文之變定其吉凶之占挈壺正知刻漏孔壺為漏浮箭為刻以考中星昏旦之次漏刻博士定時以漏換時以牌報更以鼓警晨昏以鐘鼓司晨佐之明初即置太史監設太史令通判太史監事僉判太史監事校事郎五官正靈臺郎保章正副挈壺正掌歷管勾等官以劉基為太史令吳元年改監為院秩

正三品

院使正三品同知正四品院判正五品五  
官正正六品典簿兩賜司時叙郎紀候郎

正七品靈臺郎保章正正八品  
副從八品掌歷管勾從九品

洪武元年徵元太

史張祐張沂等十四人改太史院為司天監設監

令一人

正三品

少監二人

正四品

監丞一人

正六品

主簿

一人

正七品

主事一人

正八品

五官正五人

正五品

五官

副五人

正六品

靈臺郎二人

正七品

保章正二人

從七品

監候三人

正八品

司辰八人

正九品

漏刻博士六人

從九品

品又置回回司天監設監令一人

正四品

少監二人

正五品 監丞二人 正六品 徵元回回司天監鄭阿里 滿洲

語承受也 今仍原文 等議歷二年改司天監為欽天監四年

詔監官職專司天非特旨不得陞調又定監官散

官 監令正儀大夫少監分朔大夫五官正司元大  
夫監丞靈臺郎五官保章正平秩郎五官靈臺

郎司正郎五官 十四年改欽天監為正五品設令

一人丞一人 屬官五官正以下  
員數如前所列 俱從品級授以文

職散官二十二年改令為監正丞為監副三十一

年罷回回欽天監以其歷法隸本監明初又置稽



疑司以掌卜筮未幾罷

洪武十七年置稽疑司設司令一人正六品左右丞

各一人從六品屬官司  
筮正九品無定員尋罷

謹案自堯命羲和舜察璣衡觀象授時為王政之首務然上古日官雖立而測驗尚疎觀禮記曾子問所稱朝聘祭祀已入廟內而不得成禮者日食居其一與雨露服失容一例是待其既食而後知非預為推算也春秋時史官失職置閏無法食或違朔兩紀日南至先天者二三日

說者謂梓慎裨竈史墨之徒長于機祥短於推算漢初猶踵行之東漢末迄隋唐漸有改更而交食往往不驗至明代而承用元之授時法者二百七十餘年氣朔漸差獻議者紛紛請改而臺官拘泥舊聞當事憚于改作其時甌羅巴法已入中土徐光啓等講求雖切終未施行

國家法天齊政首定時憲書頒行寓內

聖祖仁皇帝生知天縱達象緯之本原探河洛之妙奧

考定成法勒為謨典

御製歷象考成律呂正義數理精蘊諸書無不包括會  
通發千古未發之秘鑰分毫不爽密合天行

皇上復命諸臣續加討論

欽定律呂正義歷象考成後編及天文正義協紀辨  
方儀象考成諸書博大精深推闡愈密洵足正  
百代之舊章貽萬世之成憲唐虞以來蓋至今  
日而範圍莫越矣

欽定歷代職官表卷三十五

欽定四庫全書

欽定歷代職官表卷三十六

太醫院表

三代秦漢後漢三國晉宋齊北魏北齊後周隋唐五季宋遼金元明

周太醫院秦太醫院漢太醫院後漢太醫院三國太醫院晉太醫院宋太醫院齊太醫院梁太醫院陳太醫院北魏太醫院北齊太醫院後周太醫院隋太醫院唐太醫院五季太醫院宋太醫院遼太醫院金太醫院元太醫院明太醫院

太醫院院使





醫 員

西醫

醫官佐

西藥師  
西藥師  
西藥師  
西藥師  
西藥師  
西藥師

外科醫  
三科學  
三科學

十三科  
醫學士



太醫院

國朝官制

太醫院院使漢人一人

正五品

左右院判漢人各一人

正六品

品

掌醫之政令率其屬以供醫事員額順治元年定

御醫十有五人

初定正八品雍正七年升為七品用六品冠帶

吏目三十人

八品

十五人九品十五人

醫士四十人

用從九品冠帶

醫員三十人

以上俱漢人員額

掌九科之法以治疾曰大方脈小方脈傷寒科婦

人科瘡瘍科鍼灸科眼科口齒科正骨科自院使至醫士皆以所業專科分班侍直給事宮中者曰宮直給事外廷者曰六直宮直於各宮外班房六直於東藥房各以其次更代供使令焉順治元年初設御醫十人吏目三十人豫授吏目十人醫士二十人十八年省吏目二十人並省豫授吏目員額康熙九年復置吏目豫授吏目各十人十四年省吏目十人三十一年又省豫授吏目六十一年

增置醫士二十人雍正元年復增置吏目十人改  
豫授吏目為吏目七年增御醫五人八年吏目改  
為八品九品者各十五人增置食糧醫員三十人  
又有效力醫生無定員掌灸製之法以治藥院使  
考其術而進退之又設教習廳簡御醫吏目之能  
者二人為教習以課醫人習醫焉

歷代建置

三代

周禮天官醫師上士二人下士四人府二人史二人徒二十人掌醫之政令聚毒藥以供醫事凡邦之有疾病者有疖瘍者造焉則使醫分而治之歲終則稽其醫事以制其食十全為上十失一次之

十失二次之十失三次之十失四為下

鄭康成注  
醫師衆醫

之長食醫中士二人掌和王之六食六飲六膳百羞百漿八珍之齊凡食齊眠春時羹齊眠夏時漿齊眠秋時飲齊眠冬時凡和春多酸夏多苦秋多辛

冬多鹹調以滑甘凡會膳食之宜牛宜稌羊宜黍  
豕宜稷犬宜粱雁宜麥魚宜菰凡君子之食恒放  
焉疾醫中士八人掌養萬民之疾病四時皆有癘  
疾春時有瘡首疾夏時有痒疥疾秋時有瘡寒疾  
冬時有嗽上氣疾以五味五穀五藥養其病以五  
氣五聲五色眡其死生兩之以九竅之變參之以  
九藏之動凡民之有疾病者分而治之死終則各  
書其所以而入於醫師瘍醫下士八人掌腫瘍潰

瘍金瘍折瘍之祝藥劑殺之齊凡療瘍以五毒攻之以五氣養之以五藥療之以五味節之凡藥以酸養骨以辛養筋以鹹養脉以苦養氣以甘養肉以滑養竅凡有瘍者受其藥焉獸醫下士四人掌療獸病療獸瘍凡療獸病灌而行之以節之以動其氣觀其所發而養之凡療獸瘍灌而劑之以發其惡然後藥之養之食之凡獸之有病者有瘍者使療之死則計其數以進退之

漢書藝文志方技者皆生生之具王官之一守也  
太古有岐伯俞拊中世有扁鵲秦和蓋論病以及  
國原診以知政

謹按漢書司馬相如傳詔岐伯使尚方注引張  
揖曰岐伯者黃帝太醫屬使主方藥也徐堅初  
學記引郭璞巫咸山賦序曰巫咸以鴻術為帝  
堯之醫是太醫之職由來已久故班固以為王  
官之一守特至周而其制始脩耳又周禮所載

王與卿大夫則醫師治之而疾醫但稱掌養萬  
民之疾病其職似亦有差等然疾醫僅中士八  
人必不能徧治萬民之疾當必大且危者然後  
醫士治焉其餘則受方于醫師而未列職者皆  
使分治殆如今民間之醫聽其自行治療而不  
必盡官領之歟

秦

杜佑通典秦有太醫令丞主醫藥



史記扁鵲列傳秦太醫令李謚

史記刺客列傳侍醫夏無且

謹案左傳載春秋時良醫如和緩之類皆出於  
秦是秦人多工醫術故其設官亦倣據刺客傳  
所記是令丞以外尚有侍醫主提藥囊在殿上  
侍立蓋即如今之御醫也

漢

漢書百官公卿表奉常屬官有太醫令丞

應劭漢官儀太醫令周官也秩千石丞三百石

後漢書桓譚傳董賢風太醫令真欽使求傳氏罪

過

漢書王嘉傳侍醫伍宏等內侍案脉

漢書貢禹傳侍醫臨治顏師古注侍醫天子之醫

也

漢書藝文志侍醫李柱國校方技

漢書百官公卿表少府屬官有太醫令丞

太平御覽少府太醫令丞無員多至數千人

王應麟玉海少府有太醫令太常復有令丞蓋禮  
官之太醫司存之所少府之太醫通乎王內

漢書外戚傳上官桀妻父所幸充國為太醫監

謹案西漢太醫令丞有二一屬太常一屬少府  
史不言其分置之由以王應麟所言核之其屬  
太常者蓋如今太醫院之職其屬少府者則如  
今藥房官之隸於內務府也至侍醫乃承秦舊

稱當即今之御醫而王嘉傳之侍醫伍宏董賢  
傳又稱為醫侍詔疑為一官而兩名又李柱國  
亦侍醫而隋書載其官又作太醫監疑亦以侍  
醫遷為此職如今御醫升補院判之比又外戚  
傳有女醫淳于衍得入宮侍皇后疾因搗附子  
合太醫大丸以飲皇后霍光傳則稱為乳醫淳  
于衍師古曰視產乳之疾者殆漢時又有此等  
女醫同隸于太醫令以脩諸科之一特史未詳

其制耳

後漢書百官志太醫令一人六百石掌諸醫藥丞  
方丞各一人藥丞主藥方丞主方右屬少府

劉昭後漢志注漢官曰員醫二百九十三人員吏  
十九人

通典漢有醫丞有醫工長

徐堅初學記司馬彪續漢書曰東平王蒼到國病  
詔遣太醫丞將高手醫視病

後漢書方術傳郭玉和帝時為太醫丞

裴松之三國志注魚豢魏畧曰脂習除太醫令與孔融親善

太平御覽典論曰中常侍張讓子奉為太醫令後漢書蓋勲傳京兆高望為尚藥監

謹案東漢太常屬官無太醫令惟少府有之蓋視西京舊制已有減省而尚藥監一官百官志亦不載當即西漢之太醫監也

史記倉公列傳齊太醫先診病

謹案倉公傳有齊太醫又有齊王侍醫蓋漢世諸侯王國其設官多準天朝今並附識於此又據劉昭補志注引漢官所載當時百官府皆有官醫員額疑其人雖分隸諸司而考選補用當亦由太醫主之自唐以後其法久廢惟今刑部設醫士二人由院簡送六歲一更更之日稽其醫事之優劣優者升吏目劣者斥之似與漢制

頗為相近云

三國

通典漢太醫令丞屬少府魏因之

晉

晉書職官志宗正統太醫令史及渡江哀帝省并  
太常太醫以給門下省

通典太醫令晉銅印墨綬進賢一梁冠絳朝服而  
屬宗正



謹案晉書太醫令史疑當作令丞蓋傳刻有訛  
據慈懷太子傳有太醫令丞據是晉制實沿漢  
魏之舊不應僅設令史也

宗齊梁陳

宋書百官志太醫令一人丞一人隸侍中

南齊書百官志太醫令一人丞一人屬起部亦屬  
領軍

司馬光資治通鑑齊明帝建武元年海陵恭王有

疾遣御師瞻視胡三省注御師醫師也以其供御  
故謂之御師

謹案南齊太醫屬起部及領軍與宋制不同杜  
佑以為宋齊俱隸侍中者誤至御師之稱百官  
志不載蓋即太醫令所屬諸醫當如今之御醫  
也

隋書百官志梁門下省置太醫令又太醫二丞中  
藥藏丞為三品勳位

冊府元龜尚藥自梁以降皆太醫兼其職陳如梁制

北史姚僧垣傳僧垣仕梁為太醫正

謹案梁之太醫正不見于百官志當是太醫令屬官殆天監以後始置史所載皆其初定之制故未之及耳其後隋大業中於太醫署置正十人蓋亦承梁制而設也

北魏

魏書官氏志太醫博士從第七品下太醫助教從第九品中

魏書藝術傳周澹善醫藥為太醫令李修為前軍將軍領太醫令

魏書徐謩傳轉右軍將軍侍御師

魏書王顯傳顯以醫術自通召補侍御師累遷廷尉少卿仍在侍御營進御藥

胡三省通鑑注醫師侍御左右因以名官後魏之

制太醫令屬太常掌醫藥而門下省別有尚藥局  
侍御師蓋今之御醫也

謹案北魏太醫令復隸太常而門下省又有尚  
藥局與漢之少府屬官別置太醫令者其制相  
合嗣後歷代多因之今太醫院專掌醫事而內  
務府亦有內藥房主事庫掌等員同司治藥亦  
即此例但醫官通乎王內其職守本屬相資並  
無區別今故併繫於此而仍互見於內務府篇

云

北齊

冊府元龜北齊門下省統尚藥局有典御二人侍御師四人尚藥監四人總御藥之事

隋書百官志後齊尚藥局丞二人中侍中省有中尚藥典御及丞各二人

鄭樵通志北齊曰太醫令丞

隋書百官志後齊太常屬官有太醫令丞

北史藝術傳齊大寧二年徐之才弟之範為尚藥  
典御又有尚藥典御鄧宣文

後周

通典後周官品正四命天官太醫小醫等下大夫  
正三命天官小醫醫正瘍醫等上士正二命天官  
醫正瘍醫等中士正一命天官主藥醫正瘍醫等  
下士

孫逢吉職官分紀後周有主藥六人

隋書姚僧垣傳周大象二年除太醫下大夫

隋

隋書百官志高祖受命置門下省統尚藥局典御

二人侍御醫直長各四人醫師四十人太常統太

醫署令二人丞一人太醫署有主藥二人醫師二

百人藥園師二人醫博士二人助教二人按摩博

士二人咒禁博士二人煬帝分門下為殿內省統

尚藥局置奉御二人

正五品

直長貳之

正七品

又有食



醫員尚藥直長四人又有侍御醫司醫醫佐員太  
醫又置醫監五人正十人

陳振孫書錄解題巢元方隋太醫博士

唐

舊唐書職官志殿中省有尚藥局奉御二人

正五品下

直長四人

正七品上

書吏四人侍御醫四人

從六品上

主藥

十二人藥童三十人司醫四人

正八品上

醫佐八人

正八品

品下按摩師四人咒禁師四人

唐六典龍朔二年改奉御為奉醫大夫咸亨元年  
復故

職官分紀奉御掌合和御藥及診候之事直長為  
之貳凡藥有上中下之三品凡和藥宜用一君三  
臣九佐方家之大經也必辨其五味三性七情為  
和劑之節其用又有四焉曰湯丸酒散視其病之  
深淺所在而服之凡合和御藥與殿中監視其分  
劑藥成先嘗而後進

唐六典侍御醫掌診候調和司醫醫佐掌分療衆疾主藥藥童掌刮削擣篩按摩師咒禁師所掌如太醫之職

新唐書百官志太醫署令二人從七品下丞二人醫監四人並從八品下醫正八人從九品下

舊唐書職官志太醫令掌醫療之法丞為之貳其屬有四曰醫師針師按摩師禁咒師皆有博士以教之其考試登用如國子之法凡醫師醫工醫正

療人疾病以其痊多少而書之以為考課藥園師  
以時種蒔收採諸藥

唐六典太醫署有府二人史四人主藥八人藥童  
二十四人藥園師二人藥圃生八人掌固四人醫  
師二十人醫工百人醫生四十人典藥一人針工  
二十人針生二十人按摩工五十六人按摩生十  
五人咒禁師二人咒禁工八人咒禁生十人

新唐書百官志醫博士一人正八品上助教一人

從九品上掌教授諸生以本草甲乙脉經分而為  
業一曰體療二曰瘡腫三曰少小四曰耳目口齒  
五曰角法針博士一人從八品上助教一人針師  
十人並從九品下掌教針生以經脉乳穴教如醫  
生按摩博士一人按摩師四人並從九品下掌教  
導引之法以除疾損傷折跌者正之咒禁博士一  
人從九品下掌教咒禁祓除為厲者齋戒以受焉  
謹按唐沿隋制於京師置藥園一所擇良田三

頃取庶人子年十六以上二十以下充藥園生  
業成補藥師令其種蒔諸藥蓋因方劑中有應  
取鮮植者故別種以儲用其他則仍從所出州  
土採辦貯之右藏庫如今直省歲解藥材之比  
非盡取給於藥園也又史載尚藥奉御二人而  
新唐書藝文志顯慶四年奉勅編類本草者有  
尚藥奉御許孝崇胡子家蔣季璋三人殆亦隨  
時增減不盡拘定額歟

五季

馬端臨文獻通考五代時有翰林醫官使

謹案五季寺監諸屬官多所裁併而薛居正舊  
五代史陳元傳載元以善醫擢用又歐陽修新  
五代史扈載傳亦有遣太醫視疾之文是當時  
太醫之職猶存特不隸于太常與古制不同耳

宋

宋史職官志殿中省總六局掌藥局掌和劑脗候

之事有典御有奉御有醫師

文獻通考宋制翰林醫官院使副各二人並領院事以尚藥奉御充或有加諸司使者直院四人尚

藥奉御六人醫官醫學祇候無定員

舊制翰林醫官使四人副

使二人直院七人尚藥奉御七人醫官三十人醫學四十人祇候醫人十二人其員猥多寶元二年始立使副直院尚藥奉御定員醫官醫學無班位以服色為差如同正官至尚藥奉御者或加檢校官其直院則奉御及同正官皆為之多目醫官特與而授掌供奉醫藥及承詔

視療衆疾之事



江少虞宋朝事實類苑賈黃中中風眩卒太宗切責諸醫大搜京城醫工凡通神農本草黃帝難經素問及善針灸藥餌者校其能否以補翰林醫學及醫院祇候

宋史職官志太常寺太醫局有丞有教授有九科醫生額三百人歲終則會其全失而定其賞罰

太醫

局熙寧九年置以知制誥熊本提舉大理寺丞單  
驥管幹後詔勿隸太常寺置提舉一判局二判局  
選知醫事者為之科置教授一選翰林醫  
官以下與上等學生及在官良醫為之  
孝宗隆

興元年省併醫官而罷局生續以虞允文請依舊  
存留醫學科不置局權令太常寺掌行紹熙二年  
復置太醫局局生以百員為額餘依未罷局前體  
例仍隸太常寺

宋史選舉志醫學初隸太常寺神宗時始置提舉  
判局官及教授一人學生三百人設三科以教之  
曰方脉科鍼科瘍科常以春試三學生願與者聽  
崇寧間改隸國子監紹興中復置醫學以醫師主

之乾道二年罷局而存御醫諸科紹熙二年復置局

文獻通考崇寧元年詔醫官有勞轉皇城使實及五年方許除遙郡刺史又七年除遙郡團練又十年以上方許除遙郡防禦使醫官有和安成和成安成全大夫保和大夫保安大夫翰林良醫和安成和成安成全郎保和郎保安郎翰林醫正翰林醫官翰林醫效翰林醫痊翰林醫愈翰林醫證翰林

林醫診翰林醫候翰林醫學舊諸司使副有醫官  
使及副使蓋自太醫丞直院轉醫官副使叙遷年  
格一同武官但為東班使額耳政和初既易武階  
而醫官之名亦遂易焉凡十有九階立和安大夫  
視權易使以上翰林良醫視醫官使其和安郎以  
下視東副使若醫官副使則以醫正易之舊額和  
安大夫至良醫二十員紹興二年五員和安郎至  
醫官元額三十員紹興二年四員醫效元額七員

紹興二員醫痊元額十員今一員醫愈至祇候大方脉元額百五十員紹興十五員而已

洪邁容齋三筆神宗立醫官額止於四員及宣和中自和安大夫至翰林醫官凡一百十七人直局至祇候凡九百七十九人冗濫如此三年五月始詔大夫以二十員郎以三十員醫效至祇候以三百人為額而額外人免改正但不許作官戶見帶遙郡人並依元豐舊制然竟不能循守也乾道三

年三月隨龍醫官平和大夫階州團練使潘攸差判太醫局請給依能誠例支破邁時在西掖取會能誠全支本色因依誠係和安大夫潭州觀察使月請米麥百餘石錢數百千春冬綿絹之屬比他入十倍因上章極論之乞將攸合得請給令戶部照條支破孝宗諭云豈惟潘攸不合得并能誠亦合住了即日御筆批依仍改正能誠已得真俸之旨旋又罷醫官局

李燾續資治通鑑長編御藥院掌按驗秘方和劑藥品以進御及供奉禁中之用至道三年始置以入內供奉官三人掌之或參用士人

謹案宋太常寺雖有太醫局但主以醫學教授生徒其掌醫之政令者實在醫官院故設有使副等官正如今之太醫院也至御藥院掌以方藥供御當如今之內藥房而中葉以後多以宦官領之考之朝野雜記隨隱漫錄諸書所司又

在應奉禮儀不專主方藥之事故有詔命則監  
學士院草麻駕出則夾輦左右乃內臣近御者  
之職蓋名雖存而實已非矣

遼

遼史百官志北面局官職名有太醫局都林牙局  
使局副使南面官翰林醫院有翰林醫官

金

金史百官志太醫院提點正五品使從五品副使



從六品判官從八品掌諸醫藥總判院事管勾從

九品隨科至十人設一員以術精者充如不至十

人併至十人置

不限  
資考

正奉太醫

一百二十  
月陞除

副奉

上太醫

不算  
月日

長行太醫

不算  
月日

十科額五十人

○御

藥院提點從五品直長正八品掌御湯藥

明昌五  
年設

都監正九品

不限  
員

同監從九品

不常  
除

謹案太醫院之名始自金代而當時領於宣徽

院不為分署蓋猶沿前代太醫隸屬太常之遺

制也又有尚藥局亦宣徽屬官即前代殿中監所統六局之一而所司在茶果湯藥不專醫事今故不列于此表焉

元

元史百官志太醫院秩正二品掌醫事制奉御藥物領各屬醫職中統元年置宣差提點太醫院事二十年改為尚醫監秩正四品二十二年復為太醫院置提點四員院使副使判官各二員大德五

年陞正三品設官十六員十一年增院使二員皇  
慶元年增院使二員二年增院使一員至治二年  
定置院使十二員正二品同知二員正三品簽院  
二員從三品同簽二員正四品院判二員正五品  
經歷二員從七品都事二員從七品照磨兼承發  
架閣庫一員正八品令史八人譯史二人知印二  
人通事二人宣史七人○御藥院秩從五品掌受  
各路鄉貢諸蕃進獻珍貴藥品修造湯煎至元六

年始置達魯噶齊

解見戶部篇

一員從五品大使一員

從六品副使三員正七品直長一員都監一員○

御藥監秩從五品掌兩都行篋藥餌至元十年始置大德九年分立行御藥局掌行篋藥物本局但掌上都藥倉之事定置達魯噶齊一員從五品局使二員從五品副使二員正七品○行御藥局秩從五品達魯噶齊一員大使二員副使三員品秩同上掌行篋藥餌大德九年始置

元史武宗本紀至大二年三月陞掌醫署為典醫  
監仁宗本紀延祐四年四月罷典醫監

謹案太醫一官歷代皆分隸于門下殿中諸省  
及太常寺宣徽院其獨為一署無所隸屬實自  
元始又別置御藥院則當如今之內藥房而御  
藥典醫諸監復多所刱建旋置旋廢殊為冗贅  
又武宗紀載至大中中書省臣言太醫院遣使  
取藥材于陝西四川雲南費公帑勞驛傳乞禁

止從之是當時立法未善使院官得借以勞擾  
州郡今制凡直省歲解藥材由戶部收貯附庫  
以時支用其內藥房所需藥材均按例給價令  
藥商赴部領銀採辦以生藥交進院官詳驗擇  
其佳者送藥房貯備洵為經久無弊矣

明

明史職官志太醫院院使一人

正五品

院判二人

正六品

品其屬御醫四人

正八品後增至十八人  
隆慶五年定設十人

吏目一

人從九品隆慶五年定設十人

生藥庫惠民藥局各大使一人

副使一人太醫院掌醫療之法凡醫術各十三科

醫官醫生專科肄業曰大方脉曰小方脉曰婦人

曰瘡瘍曰鍼灸曰眼曰口齒曰接骨曰傷寒曰咽

喉曰金鑑曰按摩曰祝由凡醫家子弟擇師而教

之三年五年一試再試三試乃黜陟之凡藥辨其

土宜擇其良楷慎其條製而用之太祖初置醫藥

提舉司設提舉

從五品

同提舉

從六品

副提舉

從七品

醫

學教授

正九品

學正官醫提領

從九品

尋改為太醫監

設少監

正四品

監丞

正六品

吳元年改監為院設院使

秩正三品同知正四品院判正五品典簿正七品

洪武六年置御藥局于內府始設御醫十四年改

太醫院為正五品設令一人丞一人吏目一人屬

官御醫四人俱如文職授散官二十二年復改令

為院使丞為院判

明會典御藥房嘉靖十五年改為聖濟殿擇術業



精通者供事

明史方技傳許紳初供事御藥房嘉靖改元授御醫屢遷太醫院使受知于世宗連加通政使禮部侍郎工部尚書並領院事


謹案周禮醫師以上士為衆醫之長而疾醫瘍醫等以中下士佐之蓋醫之政令聽於冢宰醫師等皆以其職屬焉故祿秩至三命而止西漢太醫令千石隸太常少府而統于丞相御史葉

時禮經會元謂其猶有周官遺意北魏及周齊  
徐之才周澹王顯姚僧垣等咸以醫著至位歷  
僕射爵為公侯頗見褻濫然之才等本由儒吏  
見用與專以一技登進者有殊自宋之末李廣  
置醫官名目繁冗其久次者至寵以州郡防禦  
團練之職而周密癸辛雜識有御診王承宣則  
又可加至承宣使甚者如岳柯程史所載醫師  
王繼先積官留後與秦檜表裏勢焰大張諸子

至列延閣金紫盈門紀綱凌替至此已極元代  
太醫院雖獨為一署而據宦官列傳李邦寧以  
禮部尚書提點太醫院尋又加大司徒領太醫  
院事是則又以閣豎典司公然位列公台尤為  
乖謬明則若許紳以供奉之勞至加以尚書職  
銜亦同此弊

國家董正治官太醫諸員各執藝入直恪共厥事  
院使院判間有蒙

特旨加銜者不過至三四品而內藥房以內務府大臣管理程式有定視周典更為詳慎矣



欽定歷代職官表卷三十六